

經

典

集

林

臨海記一卷

經典集林卷十八

臨海 洪頤煊 撰集

承德 孫彤 校訂

漢元鼎五年立都尉府於候官以鎮撫二越所謂東南一尉者也

太平御覽二百四十一

晉永和三年分會稽郡八百戶於臨海章安地立臨海縣

太平寰宇

記九十八

章安縣南門有赤蘭橋世傳成公綬作縣此橋上製聽縣令年常解聽事用生鹿其年活得白鹿還後於聽事上生以祭神仍遂食之歲時用焉自是以後白鹿不可復得而必須生鹿歷代相承迄今不絕

太平御覽一百十五

沸瀆在城南門中有沸水方三尺孫皓時奚熙受刑於此其後

水嘗沸人疑其寬

赤城志三十九

郡北四十步

案太平御覽步作里

有湖山山甚平正可容數百人坐民俗

極重九日每菊酒之辰議會於此山者常至三四百人登之見

邑屋悉委江海分明

藝文類聚四太平御覽三十二

去郡七里東有樊績嶼嶼上空冢裏猶餘敗鼓角或呼爲樊府

君墓今郡公田在此嶼下

太平御覽七十四

臨海山山有二水合成溪曰臨海一水是始豐溪一水是東女

溪至州北兩溪相合卽名臨海溪山因溪名

太平御覽四十七

郡西北有白鶴山

案太平御覽引作白鶴山鶴鶴古通用

周迴六十里高三百丈

山上有池水懸溜遙望如倒挂白鶴因名挂鶴泉山上有深湖

湖中又有魚如二百斛船大長二丈許

藝文類聚九十一太平御覽四十七又七十一又

九百十六太平寰宇記九十八事類賦注七

西北有白鶴山高三百丈上有一舟名舴艋前頭有石鼓石槌
世云石鼓鳴則土地寇亂隆安初此鼓屢鳴果有孫恩之賊此
際多山精水崇不可輕陟山下平地便望見舴艋民王志祭山
神求到鼓所遂得至捉搥打鼓間里咸聞如金玉之響下山便
病死蓋登山召禍擊鼓自殺也

藝文類聚八又七十六
平御覽七百七十一

郡西北

有白鶴山山上有石鼓元嘉中居人祭祀山神乃椎此鼓數十

里聞如金石之響相傳云昔有鶴晨飛入會稽郡雷門鼓中打

鼓聲洛陽聞之後逆賊孫恩斫破此鼓見一白鶴飛出高翔入

雲此後鼓無復遠聲

藝文類聚九十白帖九十四太平御覽五
百八十二又九百十六事類賦注十一

黃石村有石鼓山山上有石似鼓兵革興則鳴

赤城志
十九

郡東南有白石山去縣邑三十里高三百餘丈望之如雪山上

有湖古老相傳云金鵝之所集八桂所植下有溪谷金光煥然

藝文類聚九十一太平御覽八百十一又九百十九

黃石山泄水九層沿崖注落如白練東南玉峴路口有鍾乳穴

多水有伏翼大如鵝卵

藝文類聚九十七太平御覽字記九十八

仙石山有館土人謂之黃公客堂

案赤城志二十作黃巖山上有石巖三面壁立俗傳仙人

王方平居焉號王公客堂又云山頂有黃石故名

兩邊有石步廊觸石雲起崇朝必雨

有四竿筋竹風吹自垂空微拂石皆淨卽王方平遊處也

太平御覽

四十七

新婦山亦名仙人山土石悉紺色列石參差似人形遠望如鳥

之俯仰宋文帝遣畫工模寫山狀時一國盛圖於白團扇焉

太平

御覽四十七

靈石山有寺當孫恩作叛毀材以爲船舸山石卽於空中自然

而落賊每有所傷故曰靈石山

太平御覽四十七

郡西北候官山有三足麀其聲嘶嗷二千石官將有代謝則嗷
鹿鳴矣民之爲常占未曾一失

太平御覽
九百六

郡東有宴室山古老云越王時山上起望海館下有湖中有金

鵝飛魚

太平御覽
九百十九

五龍山脊有石聳立大可百圍上有叢木如婦人危坐俗號消
夫人父老云昔人漁於海濱不返其妻攜七此登此望焉感而

成石下有石人七軀蓋其子也

輿地紀勝
一十二

寒石山石室前有立石參差五色遠望如綬帶

赤城志
二十一

東刊山極高遠蓋禹隨山刊木因以爲名晉任頊葬焉

輿地紀
勝十二

州東北七十里海中有芙蓉山

太平寰宇
記九十八

東海有山形似覆釜山上有巨跡是夸父逐日之所踐

太平寰
宇記九

八十

洋山東百里有東鎮大山去岸二百七十里生昆布海藻甲香

磬等

輿地紀勝十二

夷洲在郡三十里衆夷所居秦始皇遣徐福將童男女入海止

此洲山頂有越王射的白石

赤城志二十九

天台山超然秀出山有八重視之如一帆高一萬八千丈周迴八百里又有飛泉懸流千丈似布故登真隱訣注云此山在桐

柏山後四明山東南三百里

太平御覽四十一太平寰宇記九十八

銅溪在縣西北五十里其水黃色狀似銅故號銅溪也孫興公

天台山賦云過靈溪而一躍是也

太平御覽六十七

韋羌山此山之最高者上有石壁刊字如科斗

輿地紀勝十二

郡東北二十五里任曾逸家有一石井自然天成非人功所造

井深四丈常有湧泉水不溢大旱不竭夏絕香冷冬至甜溫

長老相傳云昔有採材人臨溪洗器失酒杯後出於井中

法苑珠林

三十

七

鳥綱以其懷板含墨故號小史魚也

一切經音義十七

經典集林卷十八

子思子一卷

經典集林卷十九

臨海 洪頤煊 撰集

承德 孫 彤 校訂

君本也臣枝葉也本美則葉茂本枯則葉凋君子不以所能者
病人不以人之不能者愧人小人溺於水君子溺於口也

意林一

同言而信信在言前同令而化化在令外聖人在上民遷如化

後漢書王良傳意林一太平御覽四百三十 案後漢書引作語曰又作同令而行則誠在令外無下二句注云此皆子思子

累德篇之辭

繁於樂者重於憂厚於義者薄於行見長不能屈其色見貴不

能盡其辭雖有風雨吾不入其門也君子以心導耳目小人以

耳目導心

意林一案太平御覽五百六十五引繁於樂者重於耳目導心憂厚於味者薄於行君子同則有樂異則有禮四句

慈父能食子不能使知味聖人能悅人不能使人必悅

意林一

夏之政忠忠之傲小人以野故殷人承之以敬敬之傲小人以

鬼故周人承之以文文之傲小人以僣史記高祖本紀 案索隱云此語本出子思子

見今禮表記今禮表記文少異

天下之通道五所以行之者三史記平津侯列傳 案索隱云此語出子思子今見中庸篇是

子思子本有中庸篇又玉海五十三引沈約云禮記中庸表記坊記賦衣並取子思子今俱見禮記不錄

天下有道則行有枝葉天下無道則言有枝葉太平御覽四百三

民以君爲心君以民爲體心正則體修心肅則身敬也文選張茂子淵四

子講德論注

詩云昔吾有先正其言明且清國家以寧都邑以成文選張茂先荅何劭

注詩

百心不可得一人一心可得百人意林一太平御覽三百七十六

終年爲車無一尺之輪則不可以馳意林一太平御覽七百七十三

情哀而歌歌弗信矣其絃則是其聲則非也

北堂書鈔一百六

七日戒三日齊承一人焉以爲尸過之者起走以教敬也

北堂書鈔

九十 案俗本

改作坊記誤

謂狐爲狸者非直不知狸也勿得狐復失狸者也

太平御覽九百一十二

堯身長十尺眉乃八采舜身長六尺面頰無毛禹湯文武及周

公或勤思勞體或折臂望陽或禿鬣背僂聖賢在德豈在貌乎

金樓子

立言篇

舜不降席而天下泊桀紂不降席而天下亂

北堂書鈔十五又一百三十三藝文

類聚六十九太平御覽七百九

管仲績錦也雖惡而登朝子產練紫也雖美而不尊

太平御覽八百一十

五

國有道以義率身無道以身率義苟息是也

意林

祝牧謂其妻曰天下有道我韋子佩天下無道我負子戴

太平御覽

三四百

中行穆伯手捕虎

太平御覽三百八十六

東戶季子之時道上雁行而不拾遺耕有餘糧宿諸畝首

初學記九

路史前

紀四

言氏之子達於禮乎繼父同居服服周

通典九十一案本王肅引子思書

原憲處魯居環堵之室上漏下溼匡坐而弦歌子貢乘大馬中

紺而表素車不容巷往見原憲正冠跣屣杖藜應門子貢曰嘻

先生何病也原憲應之曰憲聞無財之謂貧學道而不能行之

之謂病今憲貧也非病也子貢逡巡而有愧色

太平御覽四百三

孟子居

太平御覽三百六十三案本王肅聖說論引子思書則是軻也

經典集林卷十九

公孫尼子一卷

經典集林卷二十

臨海 洪頤煊 撰集

承德 孫 彤 校訂

人有三百六十節當天之數也形體有骨肉當地之厚也有九

竅脈理

案意林作孔竅血脈

當川谷也血氣者當風雨也

意林二太平御覽三百六十

案意林當皆作如又引無末句

多食甘者有益於肉而骨不利多食苦者有益於骨而筋不利

多食辛者有益於筋而氣不利

意林二太平御覽二百七十五又八百四十九

心者衆智之要物皆求於心

意林二太平御覽三百七十六

道爲智者設賢爲聖者用

太平御覽四百三

君子怒則自說以和喜則收之以正

太平御覽四百六十七

修身而不知命猶無室而歸

意林二

君子行善必有報小人行不善必有報二意林

衆人役物而忘情

文選沈休文三月三日率爾成篇詩注

良匠不能斲冰良冶不能鑄木

北堂書鈔九十九

舟從流於河而無維楫求安不可得也二意林

樂者先王所以飾喜也軍旅者先王所以飾怒也二意林

樂者審一以定和比物以飾節初學記十五

太古之人吮露精食草木實聖人爲火食號曰燧人飲食以通

宜血氣也

北堂書鈔一百四十二太平御覽八百四十九

舜牧羊於潢陽堯舉之以爲天子太平御覽八百三十三路史後紀十二

殷紂爲肉圃

初學記二十六太平御覽八百六十三

屈到猶冠

初學記二十六

孔子有疾哀公使醫視之醫曰子居處飲食如何孔子曰丘春

居葛籠夏居密陽秋不風冬不煬飲食不饋飲酒不勸醫曰是

良藥也

太平御覽二十一又七百二十四 案二十一引不動作不勤

樂記者公孫尼子次撰也

史記樂書正義

劉瓛云緇衣公孫尼子所作也

禮記釋文

案初學記三十一公孫尼子作緇衣樂記緇

衣文並在禮記今不錄

世子作養性書一篇宓子賤漆雕開公孫尼子之徒亦論情

性與世子相出入皆言有善有惡

論衡本性篇

經典集林卷二十

魯連子一卷

經典集林卷二十一

臨海 洪頤煊 撰集

承德 孫彤 校訂

人君所察者三不可以不知疑下不時與不時譬猶春不耕也

不知行與不行譬以方爲輪也知二字不知宜與不宜譬以錦緣薦也

意林一藝文類聚六十九太平御覽七百九

人心難知於天天有春夏秋冬以作時人皆深情厚貌以相欺

意林

朝露之蒲工女不能治淄澠之沙計兒不能數太平御覽七十四

一井五餅洩可立待一竈五突案玉篇土部引作竈而五突烹飪十倍分煙

者衆也藝文類聚八十白帖十一太平御覽一百八十六

諺曰百足之蟲至斷不蹶者持之者衆也文選曹阿六代論注意林一太平御覽九

百四十四又
九百四十八

弃感忽之恥累世之功

荀子義
兵籍注

東山有松縱高千仞而無枝非爲正直無枉自然

文選七發注
齊竟陵文宣

王行
狀注

松縱高十仞而無枝非愛正室之無柱也

水經汶水注藝文類
聚八十九太平御覽

九百五
十八

南方鳥名邽生而食其翼

太平御覽九
百二十八

北方有獸名爲狔生而角當心俯萬其角潰心而死

太平御覽
九百一十

市處者僕妾膾炙而食市饒也壅泉沃非織屨之甿從兄弟室
父往而不得粗糲焉非愛其僕妾惡其室父也此其饒羨之與

不足也

太平御覽九
百七十六

舜耕厯山而交益陶河濱而交禹

太平御覽四百九路史後紀十二

契始封商

在太華之陽

水經丹水注路史國名紀三

伊尹負鼎佩刀以于湯得齋故尊宰舍

文選王褒聖主得賢臣頌注東方朔非有先生

論注

古善漁者宿沙瞿子

案後漢書注作渠子

使漁於山則雖十宿沙子不得

一魚焉宿沙非閻於漁道也彼山者非魚之所生也

後漢書馬融傳注太

平御覽八百三十三又九百三十五事類賦注二十九困學紀聞十

宿沙瞿子善煮鹽使煮潰沙雖十宿沙不能得也

北堂書鈔一百四十六太

平御覽入百六十五

共伯名和好行仁義諸侯賢之周厲王無道國人作難王奔於

彘諸侯奉和以行天子事號曰共和元年十四年厲王死於彘

共伯使諸侯奉王子靖爲宣王而共伯復歸國於衛也

史記周本紀正

義太平寰宇記五十六路史發揮二案正義首云衛州共城縣本周共伯之國也是正義之文諺作魯連子今刪

共伯後歸於國得意共山之首莊子釋文路史發揮二

司馬狗衛宣公臣也漢書古今人表注

楚王成章華之臺酌諸侯酒魯君先至楚王悅之與大曲之弓

不琢之璧已而悔之伍舉見魯公案左氏正義引作蓬菽曰大

曲之弓不琢之璧楚上寶也吳及齊求於楚楚不與弓三年乃

成射不窮矢發之血流漂井今聞在魯必求之魯君懼乃歸之

左氏昭七年正義史記魯世家集解北堂書鈔一百二十五太平御覽三百四十七又四百九十七又八百二又八百六

陳無宇謂門客曰昔荆來伐無一人死何國之寡士也門客對

曰君車衣文繡士不得以為緣鵝鴨有餘食案文選廣絕交論注引君雁鷺有餘

粟士不足菽稗案一作堂上有酒池士不得一嘗財者君之所

輕死者士之所重君不能以所輕與士欲得士之所重不以難

乎藝文類聚九十一文選別賦注
意林一太平御覽九百一十九

弦鐸相第而增矢得高焉專諸刺王僚闔廬乃成名焉太平御覽三百

十五

齊伐魯宋乘羽子謂齊將曰子羔爲成大夫而善養天下士北

善鈔三十四 案又引
所同食天下士至一句

展无所爲魯君使遺齊襄王鴻至澠而浴鴻鴻失其裘在御者

曰鴻之毛物可使若一能買鴻耳无所曰吾非不能買鴻也是

上隱君下易幣无所不敢初學記二十太平御覽九百一十六
案太平御覽引作是上隱君下蔽

罪也无
俱作母

陸子謂齊潛王曰魯費之衆臣甲舍於襄賁水經沂
水注

胸劇之人辯者也水經巨
洋水注

孟子劇之辨者太平寰宇
記十八

孟嘗君逐於齊譚子曰富貴則就貧賤則知此物之必至而理固然也願君勿怨請以市論市朝則盈夕則虛非朝愛而夕則

憎之也勢使然藝文類聚六十五文選張景陽雜詩注女史箴注

齊之辨士田巴辨於徂巳議於稷下毀五帝罪三王訾五伯離

堅白合同異一日而服十人有徐劫者其弟子曰魯仲連連謂

徐劫曰臣願得當田子使之必不復談可乎徐劫言之巴曰劫

弟子年十二耳然千里之駒也願得侍議於前可乎田巴曰可

魯連得見曰臣聞堂上之糞不除郊草不芸白刃交前不救流

矢何者急者不救則緩者非務今楚軍南陽趙伐高唐燕人十

萬之衆在聊城而不去國亡在旦暮耳先生將奈何田巴曰無

奈何魯連曰夫危不能爲安亡不能爲存則無爲貴學士矣今

臣將罷南陽之師還高唐之兵却聊城之衆爲所貴談談者其

若此也先生之言有似梟鳴出聲而人皆惡之願先生勿復談

也田巴曰謹受教明日見徐劫曰先生之駒乃飛兔驥裏也豈

待千里哉於是杜口終身不復談

史記魯仲連列傳正義荀子
國篇注文選曹子建與楊

德祖書注意林一太平御覽三百八
十五又四百六十四又九百二十七

魯連先生見孟嘗君於杏堂之門

案杏堂一作杏唐

孟嘗君曰吾聞先

生有勢數可得聞乎連曰勢數者若門關舉之而便則可以一

指持中而舉之非便則兩手不開非益加重兩手非加罷也彼

所起者非舉勢也彼可舉然後舉之所謂勢數

藝文類聚六十一
三太平御覽一

百八十三又
一百八十四

秦圍趙邯鄲魏使將軍新垣衍入邯鄲令趙尊秦爲帝魯連子

說罷之秦軍退平原君欲封之終不肯受平原君乃置酒酒酣

起前以千金爲壽先生笑曰所貴天下之士者爲人排患釋難

解人之締結卽有取是商賈之事連不忍爲也遂策杖去

藝文類聚

六十九又八十文選左太冲招隱詩注太平御覽八百十又八百二十九

燕伐齊取七十餘城唯莒與卽墨不下齊田單以卽墨破燕軍

殺燕將軍騎劫復齊城唯聊城不下燕將城守數月魯仲連乃

爲書著之於矢以射城中遺燕將燕將得書泣三日乃自殺

藝文類聚

類聚六十六太平御覽三百五十又五百九十五事類賦注十三

經典集林卷二十一

太公金匱一卷

經典集林卷二十二

臨海 洪頤煊 撰集

承德 孫彤 校訂

唐帝克有苗問人曰吾聞有苗時天雨血沾衣有此妖乎人曰
非妖也有苗誅諫者尊無功退有能遇人如讐故亡耳

開元占經三

三苗時有日闕

開元占經六

三苗之時三月不見日

太平御覽四

夏桀之時有岑山之水桀常以十月發民鑿山穿陵通於河民

諫曰孟冬鑿山穿陵是泄天氣發地之藏天子失道後必有敗

桀殺之

案路史引作桀以爲妖言殺之

期年岑山一旦崩爲大澤水深九尺山

覆於谷上反居下

案路史引有水深以下十二字又有蓋老諫而殺之一句

湯率諸侯伐之

藝文類聚三太平御覽二十七又七十二路史後紀十四

經典集林卷二十二

紂常以六月獵於西土發民逐禽民諫曰今六月天務覆施地務長養今盛夏發民逐禽而元元命懸於野君殘一日之苗而民百日不食天子失道後必無福紂以妖言而誅之後數月天暴風雨發屋折木

藝文類聚三太平御覽二十一又八百三十二事類賦注四

文王問太公曰天下失道忠諫者死子子伯邑考爲王僕御无

故烹之囚于於羑里以其羹獻于

太平御覽六百四十二

武王問太公曰今民吏未安賢者未定何以安之太公曰不須兵器可以守國耒耜是其弓弩鋤杷是其矛戟登笠是其兜鍪

鎌斧是其攻具

太平御覽三百三十六

武王曰五帝之時無守戰之具國存者何太公曰守戰之具皆在民間耒耜者是其弓弩也鋤爬者是其矛戟也登笠者是其兜鍪也鎌斧者是其攻戰之具也雞狗者是鉦鼓也

太平御覽三百三十

武王問太公曰天下精神甚衆

案藝文類聚事類賦注引精神作神來北堂書鈔引衆作衆

恐後復有試子者何以待之師尚父曰請樹槐於王門內王

路之右起西社築垣牆

案北堂書鈔引作策垣壇

祭以酒脯食以犧牲尊之

曰社客有非常先與之語乃命太公祝社曰客有益者入無益

者距

案北堂書鈔引作如社曰如山客勅享有益者拒字疑有譌藝文類聚引與太平御覽同

歲告以水旱

與其風雨澤流悉行除民所苦也

北堂書鈔八十七藝文類聚八十八太平御覽五百三十

二事類賦注二十五

武王問師尚父曰五帝之戒可得聞乎師尚父曰

案意林引黃作太公曰黃

帝云子在民上搖搖恐夕不至朝故金人三緘其口慎言語也

堯居民上振振如臨深淵

案後漢書注引作黃帝居人上惴惴若臨深淵

舜居民上兢

兢如履薄冰禹居民上慄慄如不滿日

案意林引作如恐不滿

湯居民上

翼翼懼不敢息吾聞道自微而生禍自微而成慎終與始完如

金城敬勝怠則吉義勝欲則昌日慎一日壽終無殃

後漢書光武紀注意

林一藝文類聚二十文選張茂先女史箴注太平御覽四百三十九又四百五十九又五百九十三

武王曰吾隨師尙父之言因爲慎書銘隨身自誠其冠銘寵以

著首將身不正遺爲德咎書復曰行必慮正無懷僥倖書劔曰

當以服兵而行道德行則福廢則覆

案太平御覽四百三引作德行則福德廢則覆北堂

書鈔一百二十二引與此同

書鏡曰以鏡自照則知吉凶書車曰自致者急

載人者緩取欲無度自致而反

太平御覽五百九十

武王曰吾欲造起居之誠隨之以身凡之書曰安無忘危有無

忘亡孰惟二者必後無凶杖之書曰輔人無苟扶人無咎

後漢書崔

駟傳注

門之書曰敬遇賓客貴賤無二

太平御覽一百八十三

戶之書曰出畏之入懼之也

太平御覽一百八十四

牖之書曰闕望審且念所得可思所忘

太平御覽一百八十八

鑰之書曰昏慎守深察訛也

太平御覽一百八十四

研之書曰石墨相著

案事類賦注引下有而黑二字

邪心讒言無得汙白

初學記二

十一藝文類聚五十八太平御覽六百五事類賦注十五

書鋒忍之須叟乃全汝軀

一 意林

書刀刀利皚皚無爲汝開

一 意林

書井源泉滑滑連旱則絕取事有常賦歛有節

一 意林

弩之較爲翼弩之書見奔違行在才者與任武者也

北堂書鈔一百二十

五 案文 有脫調

賞一人而千人喜者賞之賞二人而萬人喜者賞之賞三人而

三軍勸者賞之

太平御覽六百三十三 書鈔三十引賞一人千萬喜六字

案北堂

殺一人而千人恐者殺之殺二人而萬人動者殺之殺三人而

君振者殺之

太平御覽六百四十七

屈一人之下伸萬人之上武王曰請著金版

文選劉孝標廣絕交論注

武王問太公曰殷已亡其三人今可伐乎太公曰臣聞之知天者不怨天知己者不怨人先謀後事者昌先事後謀者亡且天與不取反受其咎時至不行反受其殃非時而生是爲妄成故夏條可結冬冰可釋時難得而易失也

意林一

天道無親常與善人今海內陸沈於殷久矣何乃急於元元哉

後漢書袁紹傳注文選陳孔璋爲袁紹檄豫州注

武王伐紂都洛邑

案文選雪賦注引下有未成二字

海內神相謂曰今周王聖

人得民心乎當防之隨四時而風雨

案北堂書鈔引海內以下二十四字疑有脫諺陰

寒雨雪十餘日深丈餘甲子平旦有五丈夫乘車馬從兩騎止

門外欲謁武王武王將不出見太公曰不可雪深丈餘而車騎無跡恐是聖人王使太師尙父謝五丈夫曰賓幸臨之失不先

問方修法服太師尙父乃使人持一器粥開門而進五車兩騎

曰王在內未有出意

案太平御覽十二引作先王大夫在內方對天子未有出

時天寒故進

熱粥以御寒未知長幼從何起兩騎曰先進南海君次東海君

次西海君次北海君次河伯兩師風伯粥既畢使者具以告尙

父尙父謂武王曰客可見矣五車兩騎四海之神與河伯兩師

耳王曰不知有名乎曰南海之神曰祝融東海之神曰勾芒北

海之神曰玄冥西海之神曰蓐收河伯名爲馮夷

案史記封禪書正義引作

馮修文選思立賦舊注引作河伯姓馮名修

雨師名詠風伯名姨請使謁者各以其

名召之武王乃於殿上謁者於殿下門外引祝融進五神皆驚

相視而歎祝融拜武王曰天陰乃遠來何以告之皆曰天代殷

立周謹來受命願勅風伯雨師各使奉其職

北堂書鈔一百四十四一百五十二

初學記二藝文類聚二文選雪賦注開元占經一百十三太平御覽十二八百五十九八百八十二太平廣記二百九十一事

類賦注三

武王師到牧野陣未畢而暴風疾雨電雷幽冥前後不見太公

曰善雷電者是吾軍動應天也

太平御覽十一

武王伐紂至鳳凰陂鞞系解

太平寰宇記二十五

武王伐殷丁侯不朝尙父乃晝丁侯三旬射之丁侯病大劇使

人卜之崇在周恐懼乃遣使者請之於武王願舉國爲臣虜武

王許之太師尙父乃以甲乙日拔其頭箭丙丁日拔目箭戊己

日拔腹箭庚辛日拔股箭壬癸日拔足箭謂使曰歸矣吾已告

諸神言丁侯前畔義今已遣人來降勿復過之比使者歸子之

君所息念矣使者辭歸至丁侯病乃愈四夷聞之皆懼各以其

職來貢越裳氏獻白雉重譯而至

藝文類聚五十九文選吳李重蒼東阿王書法典引注太

平御覽一百三十九又三百四十九又七百三十九事類賦注十三

武王平殷還問太公曰今民吏未安賢者未定如何太公曰無

故無新如天如地得殷之財與殷之民共之則商得其賈農得

其田也一目視則不明一耳聽則不聰一足步則不行選賢自

代上下各得其所

意林一太平御覽三百六十六

宰相不富國安主調陰陽和羣臣樂萬民非吾宰相也

北堂書鈔四十

九

夫人可以樂成難以慮始

文選劉子駿移書讓太常博士注

明者見兆於未萌智者避危於未形

文選司馬長卿上書諫獵注阮元瑜爲曹公作書與

孫權注

春三月斗星爲天關戰背天關向天梁敵不可當

初學紀七

冬月奎星爲天關

初學記七

金人銘曰周太廟右階之前有金人焉三緘其口而銘其背曰

我古之慎言人也戒之焉毋多言毋多事多言多敗多事多害

太平御覽三百九十 案御覽引注云皇覽云出太公金匱路

史後紀五云世謂太公作金人太公金匱公對武王之言明黃帝所作

經典集林卷二十二

汜勝之書卷上

經典集林卷二十三

臨海 洪頤煊 撰集

承德 孫彤 校訂

神農之教雖有石城湯池帶甲百萬而無粟者弗能守也夫穀
帛實天下之命衛尉前上蠶法今上農事人所忽畧衛尉勤之
可謂忠國憂民之至

藝文類聚八十五文選後漢書光武紀贊
注太平御覽八百二十二路史後紀一

農事情與其相十倍

太平御覽八
百二十二

凡耕之本在於趣時和土務糞澤旱鋤穫春凍解地氣始通土
一和解夏至天氣始暑陰氣始盛土復解夏至後九十日晝夜
分天地氣和以此時耕田一而當五名曰膏澤皆得時功春地
氣通可耕堅硬強地黑墟土輒平摩其塊以生草草生復耕之
天有小雨復耕和之勿令有塊以待時所謂強土而弱之也

齊民

要術一案周禮草人鄭注云土化之澆化之使美若泥勝之術也

春候地氣始通椽椽木長尺二寸埋尺見其二寸立春後土塊

散上沒椽陳根可拔此時二十日以後和氣去卽土剛以此時

耕一而當四和氣去耕四不當一杏始華榮輒耕輕土弱土望

杏花落復耕輒藺之案太平御覽兩輒字作趣事類賦注藺之下有此謂一耕而五也一句草生

有雨澤耕重藺之土甚輕者以牛羊踐之如此則土強此謂弱

土而強之也齊民要術一文選永明九年策秀才文注太平御覽九百六十八事類賦注二十六案禮記月令

注引農書曰土長胃椽陳根可拔耕者急發正義云鄭所引農書先師以爲泥勝之書也章昭國語周語注引同

杏花如何可耕曰沙太平御覽九百六十八事類賦注二十六

春氣未通則土厯適不保澤終歲不宜稼非糞不解慎無旱耕

須草生至可種時有雨卽種上相親苗獨生草穢爛皆成良田

此一耕而當五也案文選永明九年策秀才文注引此句作一耕而五獲不如此而旱耕

塊硬苗穢同孔出不可鋤治反爲敗田秋無雨而耕絕上氣土
堅塔名曰脂田及盛冬耕泄陰氣土枯燥名曰脯田脯田與脂
田皆傷田二歲不起穢則一歲休之

齊民要術一

凡愛田常以五月耕六月再耕七月勿耕謹摩平以待種時五
月耕一當三六月耕一再當再七月耕五不當一冬雨雪止輒
以藺之掩地雪勿使從風飛去後雪復藺之則立春保澤凍蟲
死來年宜稼得時之和適地之宜田雖薄惡收可畝十石

齊民要術

一
牽馬令就穀堆食數口以馬踐過爲種無好籌妨蟲也

齊民要術一

種傷濕鬱熱則生蟲也取麥種候熱可穫擇穗太强者秆束立
場中之高燥處曝使極燥無令有白魚有輒揚治之取乾艾雜
藏之

案太平御覽作乾草

麥一石艾一把藏以瓦器竹器順時種之則收

常倍取禾種擇高大者斬一節下把懸高燥處苗則不敗欲知歲所宜以布囊盛粟等諸物種平量之埋陰地冬至後五十日發取量之息最多者歲所宜也

齊民要術一太平御覽八百一十二又八百四十八百四十一

種小豆忌卯稻麻忌辰禾忌丙黍忌丑秫忌寅未小麥忌戌大麥忌子大豆忌申凡九穀有忌日種之不避其忌則多傷敗諸事忌禁日此非空言也其道自然若燒黍穰則害瓠也

齊民要術一太

平御覽八百二十七又八百三十七

種禾無期因地爲時三月榆莢雨時高地疆土可種禾

案事類賦注作

可種

薄田不能糞者以原蠶矢雜禾種之則禾不蟲又取馬骨

剉一石以水三石煮之三沸澆去滓以汁漬附子五枚三四日去附子以汁和蠶矢羊矢各等分攪令洞洞如稠粥先種二十

日時以澆種如麥飯狀常天旱燥時澆之立乾薄布數撓令易
乾明日復澆天陰雨則勿澆六七澆而止輒暴謹藏勿令復濕
至可種時以餘汁澆而種之則禾稼不蝗蟲無馬骨亦可用雪
汁雪者五穀之精也使稼耐旱常以冬藏雪汁器盛埋於地中
治種如此則收常倍

齊民要術一初學記三藝文類聚八十八
太平御覽二十又八百二十三又八百三

十九事類
賦注四

取雪汁漬原蠶屎五六日待釋手授之如飯狀和穀種之能御

旱故謂雪爲五穀精也

北堂書鈔一百五十二初學記二藝文
類聚一太平御覽十二事類賦注三

昔湯有旱災伊尹作爲區田教民糞種負水澆稼區田以糞氣

爲美非必須良田也諸山陵近邑高危傾阪及丘城上皆可爲

區田區田不耕旁地庶盡地力

齊民要術一北堂書鈔三十九
太平御覽八百二十一案北

堂書鈔引堯稼下又云收至畝百
石勝之試爲之收至畝四十五

凡區種不先治地便荒地爲之以畝爲率令一畝之地長十八丈廣四丈八尺當橫分十八丈作十五町町間分爲十四道以通人行道廣一尺五寸町皆廣一尺五寸長四丈八尺尺直橫鑿町作溝溝一尺深亦一尺積穰於溝間相去亦一尺嘗悉以一尺地積穰不相受令引作二尺地以積穰種禾黍於溝間夾溝爲兩行去溝兩邊各二寸半中央相去五寸旁行相去亦五寸一溝容四十四株一畝合萬五千七百五十株種禾黍令上有一寸土不可令過一寸亦不可令減一寸凡區種麥令相去二寸一行一溝容五十二株一畝凡四萬五千五百五十株麥上土令厚二寸凡區種大豆令相去一尺二寸一溝容九株一畝凡六千四百八十株區種荏令相去三尺胡麻相去一尺區種天旱常澆之一畝常收百斛

齊民要術一

上農夫區方深各六寸間相去九寸

案後漢書注九寸作七寸

一畝三千七

百區一日作千區區種粟二十粒美糞一升合土和之畝用種

二升秋收區三升粟畝收百斛丁男長女治十畝

案後漢書注文選注丁男

女治十畝句在秋收區三升句上

十畝收千石歲食三十六石支二十六年中

農夫區方九寸深六寸相去二尺一畝千二十七區用種一升

案後漢書注此下有丁男女種十畝句

秋收粟五十一石一日作三百區下農夫

區方九寸深六寸相去二尺一畝五百六十七區用種六升秋

收二十八石一日作二百區區中草生芟之區間草以剗剗之

若以鋤鋤苗長不耘之者以劓鎌比地刈其草矣

後漢書劉般傳注文選稻

救夜養生論注齊民要術一

驗美田至十九石中田十三石薄田一十石

齊民要術一

植禾夏至後八十九日常夜半候之天有霜若白露下以平

明時令兩人持長索相對各持一端以概禾中去霜露日出乃止如此禾稼五穀不傷矣齊民要術一

稗既堪水旱種無不熟之時又特滋茂盛易生蕪穢良田畝得

二三十斛宜種之備凶年又稗中有米熟時可擣取米炊食之

不減粢米又可釀作酒酒甚美釀尤踰黍秫武帝時令典農種

之一頃收二千斛斛得米三四斗大儉可磨食之若值豐年可

以飲牛馬猪羊紫酒甚美以下齊民要術作注文武帝譌作魏武今改正蟲食桃者粟貴兩雅

翼入齊民要術一太

黍者暑也種必待暑先夏至二十日此時有雨強土可種黍畝

三升黍心未生時雨灌其心心傷無實初種時天霧令兩人對

持長索戛去其露日出乃止種黍復出鋤治皆如禾欲稀於禾

初學記二十七太平御覽八百二十三又八百四十二案爾雅釋文云泥勝之種植耆無稷

秔稻林稻三月種秔稻四月種秔稻爾雅翼一證類本草二十六

經典集林卷二十三

汜勝之書卷下

經典集林卷二十四

臨海 洪頤煊 撰集

承德 孫彤 校訂

大豆保歲易爲宜古之所以備凶年也謹計家口數種大豆率
人五畝此田之本也三月榆莢時有雨高田可種大豆土和無
塊畝五升工不和則益之種大豆夏至後二十日尙可種戴甲
而生不用深耕大豆須均而稀豆花憎見日見日則黃爛而根
焦也穫豆之法莢黑而莖蒼輒收無疑其實將落反失之故曰
豆熟於場於場獲豆卽青莢黑莢在下齊民要術二太平御覽
八百三十二又八百四

十一
兩引

種土不可厚厚則項折不能長達屈於土中而死太平御覽八
百三十二

區種大豆法坎方深各六寸相去二尺一畝得千六百八十坎

其坎成取美糞一升合坎中土攪和以內坎中臨種沃之坎三
升水坎內豆三粒覆土土勿厚以掌抑之令種與土相親一畝
用種一升用糞十六石八斗豆生五六葉鋤之旱者溉之坎三
升水丁夫一人可治五畝至秋收一畝中十六石種之上土纔

令蔽豆耳

齊民要術二

小豆不保歲難得宜樅黑時注雨種畝一升豆生布葉鋤之生
五六葉又鋤之大豆小豆不可盡治也古所以不盡治者豆生
布葉豆有膏盡治之則傷膏傷則不成而民盡治故其收耗折
也故曰豆不可盡治養美田畝可十石以薄田尙可畝收五石

齊民要術二太平御覽八百四十一

一斗大豆有千萬粒

太平御覽八百四十一

種菜春凍解耕治其土春草生布糞田復耕平摩之

太平御覽八百二十

二

種泉太早則剛堅厚皮多節晚則不堅寧失於早不失於晚穫

麻之法穗勃勃如灰拔之夏至後二十日漚泉泉和如絲

齊民要術

二

種麻預調和田二月下旬三月上旬傍雨種之麻生布葉鋤之
率九尺一樹樹高一尺以蠶矢糞之樹三升無蠶矢以溷中熟
糞糞之亦善樹一升天旱以流水澆之樹五升無流水曝井水
殺其寒氣以澆之雨澤適時勿澆澆不欲數養麻如此美田則
畝五十石及百石薄石尚三十石穫麻之法霜下實成速斫之

其樹大者以鋸鋸之

齊民要術二

凡田有六道麥爲首種種麥得時無不善夏至後七十日可種
宿麥早種則蟲而有節晚種則穗小而少實當種麥若天旱無

雨澤則薄漬麥種以酢漿并蠶矢夜半漬向晨速投之令與白露俱不酢漿令麥耐旱蠶矢令麥忍寒麥生黃芑傷於太稠稠者鋤而稀之秋鋤以棘柴曳之以壅麥根故諺曰子欲富黃金覆黃金覆者謂秋鋤麥曳柴壅麥根也至春凍解棘柴曳之突絕其乾葉須麥生復鋤之到榆莢時注雨止候土白背復鋤如此則收必倍冬雨雪止以物輒藋麥上掩其雪勿令從風飛安後雪復如此則麥耐旱多實春凍解耕如土種旋麥麥生根茂盛莽鋤如宿麥

齊民要術二太平御覽八
百二十三又八百三十八

區麥種區大小如中農夫區禾收區種凡種一畝用子二升覆土厚二寸以足踐之令種土相親麥生根成鋤區間秋草緣以棘柴律土壅麥根秋旱則以桑落澆之秋雨澤適勿澆之麥凍解棘柴律之突絕去其枯葉區間草生鋤之大男大女治十

畝至五月收區一畝得百石以上十畝得千石以上小麥忌戊

大麥忌子除日不中種

齊民要術二

種稻春凍解耕反其土種稻區不欲大大則水深淺不適冬至

後一百一十日可種稻稻地美者用種畝四升始種稻欲濕濕

者缺其厖令水道相直夏至後大熱令水道錯

齊民要術二太平御覽八百二

十三又八
百三十九

區種瓜一畝爲二十四科區方圓三尺深五寸一科用一石糞

糞與土合和令相半以三斗瓦甕埋著科中央令甕口上與地

平盛水甕中令滿種瓜甕四面各一子以瓦蓋甕口水或減輒

增常令水滿種常以冬至後九十日百日得戊辰日種之又種

薤十根令週迴甕居瓜子外至五月瓜熟薤可拔賣之與瓜相

避又可種小豆於瓜中畝四五升其薤可賣此法宜平地瓜收

畝萬錢

齊民要術二

種瓠法以三月耕良田十畝作區方深一尺以杵築之令可居澤相去一步區種四實蠶矢一斗與土糞合澆之水二升所乾處復澆之著三實以馬箠聲其心勿令蔓延多實實細以糞薦其下無令親土多瘡癥可作瓢以手摩其實從蒂至底去其毛不復長且厚八月微霜下收取掘地深一丈薦以糞四邊各厚一尺以實置孔中令底下向瓠一行覆上土厚二尺二十日出黃色好破以爲瓢其中白膚以養豬致肥其瓣以作燭致明一本三實一區十二實一畝得二千八百八十實十畝凡得五萬七千六百瓢瓢直十錢并直五十七萬六千文用蠶矢二百石牛耕功力直二萬六千文餘有五十五萬肥豬明燭利在其外

齊民要

術二

區種瓠法收種子須大者若先受一斗者得收一石受一石者得收十石先掘地作坑方圓深各三尺用蠶沙與土相和令中半若無蠶沙生牛糞亦得著坑中足躡令堅以水沃之候水盡卽下瓠子十顆復以前糞覆之既生長二尺餘便總聚十莖一處以布纏之五寸許復用泥泥之不過數日纏處便合爲一莖留強者餘悉掐去引蔓結子子外之條亦掐去之勿令蔓延留子法初生二三子不佳去之取第四五六區留三子卽足旱時須澆之坑畔周匝小渠子深四五寸以水停之令其透潤不得坑中下水

齊民要術二

種芋區方深皆三尺取豆其內區中足踐之厚尺五寸取區上濕土與糞和之內區中其上令厚尺二寸以水澆之足踐令保澤取五芋子置四角及中央足踐之旱數澆之其爛芋生子皆

長三尺一區收三石

齊民要術三

種芋法宜擇肥緩土近水處柔糞之二月注雨可種芋率二尺
下一本芋生根欲深劔其旁以緩其土旱則澆之有草鋤之不
厭數多治芋如此其收常倍

齊民要術二

種桑法五月取椹著水中卽以手漬之以水灌洗取子陰乾治
肥田十畝荒田久不耕者尤善好耕治之每畝以黍椹子各三
升合種之黍桑當俱生鋤之桑令稀疏調適黍熟穫之桑生正
與黍高平因以利鎌摩地刈之曝令燥後有風調放火燒之常
逆風起火桑至春生一畝食三箔蠶

齊民要術三藝文類聚八十八事類賦注二十五

黃帝問立女兵法一卷

經典集林卷二十五

臨海 洪頤煊 撰集

承德 孫 彤 校訂

黃帝與蚩尤九戰九不勝黃帝歸於太山三日三夜天霧冥有一婦人人首鳥形黃帝稽首再拜伏不敢起婦人曰吾立女也子欲何問黃帝曰小子欲萬戰萬勝萬隱萬匿首當從何起遂得戰法焉

藝文類聚二太平御覽十五
事類賦注三路史後紀四

黃帝攻蚩尤三年城不下募求術士乃得伍肯與之言曰今日余攻蚩尤三年城不下與咎安在伍肯曰此城中之將爲人必白色商音始攻時得毋以秋之東方行乎今黃帝爲人蒼色角音此雄軍也以戰爲之黃帝曰善爲之若何伍肯曰臣請攻蚩尤三日城必下黃帝大喜其中黃直曰帝積三年攻蚩尤而城

不下今子欲以三日下之何以爲明伍骨曰不如臣言請以軍
法論黃帝曰子欲以何時臣請朱雀之日

案臣請上當脫
伍骨曰三字

日正

中時立赤色徵音絳衣之軍於南方以輔角軍臣請以青龍之
日平旦時立青色角音青衣之軍於東方以輔羽軍臣請以玄
武之日人定時立黑色羽音黑衣之將於北方以輔商軍臣請
以白虎之日日入時立白色商音白衣之將於西方以輔宮軍
四將以立臣請爲帝以黃龍之日日中建黃旗於中央以制四
方五軍已具四面攻蚩尤三日其城果下黃帝卽封骨世世不

絕

太平御覽三百二
十八路史後紀四

凡行兵之道天地大寶得者全勝失者必負北斗之中禽有句
始狀像雉雞制百兵之毋能得其術何神不使九地九天各有

表裏三奇六合王威軍士

太平御覽二
百二十八

行兵之道天地之寶九天九地各有表裏九天之上六甲子也

九地之下六癸酉也子能順之萬全可保

後漢書皇甫嵩傳注

戰鬪之法當從九天之上擊九地之下衆士默默人無所見九

天者春在青龍夏在朱雀秋在白虎冬在立武四神爲九天其

衝爲九地

北堂書鈔百十八太平御覽三百二十八

戰鬪之法乘一破十百事不失都皆天一乘六神王齊士擊冠

旅天下

案有脫誤

六神甲子旬在魁甲戌旬在勝光甲午旬在罡中

甲辰旬在功曹甲寅旬在神后此六神爲戰主也

北堂書鈔一百十三案

書鈔陳氏本引勝光下有甲申旬在弧一句

敵人親陣必以其勝陣之敵人爲直陣已以方陣攻之方陣者

金陣也敵人爲兌陣已以曲陣攻之曲陣者水陣也

北堂書鈔一百十三

敵人爲圓陣已以直陣攻之直陣者木陣也敵人爲方陣已以

兌陣攻之兌陣者火陣也敵人爲曲陣己以圓陣攻之圓陣者

土陣也

北堂書鈔一百十三

欲知敵人來時視之所從來上神欲以其勝應之假令敵人從大小吉魁罡下來應之以左部青旗從太一勝光下來應之以後部墨旗從功曹太衝下來應之以右部白旗從傳送從魁下來應之以前部赤旗從登明神后下來應之以中部黃旗此天道勝也

北堂書鈔一百二十一

出軍行將屯守相與數鬪動作必擊鼓作聲聽其音以知己兵

強弱也

北堂書鈔一百二十一

諸見舉烽火傳言虜且起欲知審來不以言者時所加之得陽

者不得陰者爲來法

藝文類聚八十六平御覽三百三十五

六甲將及夫人姓名服色其將皆著赤幘小冠帶白綬絞夫人

足皆谷象其禽獸足凡欲招致神當於帛上書諸神名如法祭
齊事六日見形六十日一祭合諸神祭之祭法脯長一尺廣三
寸白茅爲籍編以青絲籍長二尺四寸廣六寸餅棗栗并脯置
籍上杯皆黑中以丹砂九兩盛米囊九枚置北斗座上中爲九
星六甲坐外西南十二座座前一杯受道者壇東北南面再拜
祝

北堂書鈔八十八又八十九
太平御覽五百二十六

禹問於風后曰吾聞黃帝有勝負之圖六甲陰陽之道今安在
乎風后對曰其圖黃帝藏會稽之山下其坎深千丈廣千丈鎖
以盤石求之者亡視之者見致難得也禹北見六子問海口所
出禹乃決江口鳴角會稽龍神爲見玉匱浮禹乃開而視之中
有天下經十二卷禹未及持之其四卷飛上天禹不能得也其
四卷復下陂池禹不能拯也禹得中四卷開而視之乃

北堂書
鈔九十

六 太平御覽八十

三 案乃下本闕

經典集林卷二十五

張衡靈憲一卷

經典集林卷二十六

臨海 洪頤煊 撰集

承德 孫 彤 校訂

昔在先王將步天路用定靈軌尋緒本元

案開元占經緒作考

先準之於

渾體是爲正儀立度

案儀本作宜從開元占經張衡傳注改

而皇極有迨建也樞

運有迨稽也乃建乃稽斯經天常聖人無心因茲以生心故靈

憲作輿曰

太素之前幽清玄靜寂漠冥默

案開元占經漢作冥真作冥

不可爲象厥中

惟虛厥外惟無如是者永久焉斯謂溟滓

案太平御覽一溟滓作冥莖

蓋乃

道之根也

案蓋本作焉從開元占經太平御覽改

道根既建自無生有

案藝文類聚一太平

御覽自俱作由

太素始萌萌而未兆并氣同色渾沌不分

案渾沌太平御覽作坤沌

注云音 故道志之言云有物渾成先天地生其氣體固未可得

而形其遲速固未可得而紀也如是者又永久焉斯謂麗鴻案

文類聚蓋乃道之幹也道幹既育萬物成體案萬本作有於

是元氣剖判剛柔始分清濁異位天成於外地定於內天體於

陽故圓以動地體於陰故平以靜動以行施靜以合化理鬱構

精時育庶類斯謂天元蓋乃道之實也在天成象在地成形天

有九位地有九域天有三辰地有三形有象可效有形可度情

性萬殊旁通感薄自然相生莫之能紀於是人之精者作聖實

始紀綱而經緯之崑崙東南有赤縣之州風雨有時寒暑有節

苟非此土南則多暑北則多寒東則多陰故聖王不處焉案崑崙

南以下從藝文類聚六太平御覽一百中州含靈外制八輔案

五十七補依文義尚脫西則多風一句句以初學八極之維案八極之三徑二億三萬二千三百

記八補里南北則短減千里東西則廣增千里自地至天半於八極則

地之深亦如之

案太平御覽二引作自地至天一億萬六千二百五十里又北堂書鈔一百五十六引作地深

一億萬六千二百五十里疑是注文

通而度之則是渾也將覆其數用重差鉤股

懸天之景薄地之儀皆移千里而差一寸

案開元占經三寸下有一分

得之

過此而往者未之或知也未之或知者宇宙之謂也宇之表無

極宙之端無窮天有兩儀以儻道中其可觀樞星是也謂之北

極在南者不著故聖人弗之名焉其世之迷九分而減二陽道

左迴故天運左行

案開元占經行上有迴字

有驗於物則人氣左羸形右繚

也天以陽迴地以陰浮

案浮本作淳从開元占經改

是故天致其動稟氣舒

光地致其靜承候施明天以順動不失其中則四時順至寒暑

不減

案開元占經減一本作忒

致生有節故品物用生地以靈靜作合承天

清化致養四時而後育故品物用成凡至大者莫如天至厚者

莫如地至質者曰地而已至多莫如水水精爲漢漢周於天而

無列焉

案開元占經列作別

思次質也

案開元占經次作質

地有山嶽以宣其氣精

種爲星星也者體生於地精成於天

案精成本作積成从開元占經太平御覽七北堂書

鈔一百

五十改列居錯時各有迥屬紫宮爲皇極之居太微爲五帝之

庭明堂之房大角有席天市有坐蒼龍連蜷於左白虎猛據於

右朱雀奮翼於前靈龜圈首於後

案北堂書鈔一百五十圖首作匿首

黃神軒轅

於中六變旣畜而狼虬魚鼈罔有不具在野象物在朝象官在

人象事於是備矣懸象著明莫大乎日月其徑當天周七百三

十六分之一地廣二百四十二分之一

案開元占經作四十三分

日者陽精

之宗積而成鳥象鳥而有三趾陽之類其數奇月者陰精之宗

積而成獸象兔蛤焉

案蛤焉二字本脫从北堂書鈔一百五

十藝文類聚九十五太平御覽四引補陰

之類其數偶其後有馮焉者羿請不死之藥於西王母姮娥竊

之以奔月

案太平御覽四姮娥上有羿妻二字廣韻二十四鹽注引作恒娥月下有宮字

將往枚筮之

於有黃有黃占之曰吉翩翩歸妹獨將西行逢天晦芒毋驚毋

恐後且大昌姮娥遂託身於月是爲蟾蜍夫日譬猶火月譬猶

水火則外光水則含景案太平御覽八百六十九作口正火月正水故天日宣明於

晝納明於夜如有瑕必露其匿人君者仰則焉案天日宣明以下從北堂書鈔

一百四十九開元占經五補夫月端其形而潔其質向日稟光案夫月端其形以下從北

堂書鈔一百五十補月光生於日之所照魄生於日之所蔽當日則光盈

就日則光盡也案左傳序正義引光盡作明盡衆星被耀因水轉光當日之衝

光常不合者蔽於地也是謂闇虛在星則星微過月則月食案

句字多脫從左傳序正義桓三年正義改日之薄地暗其明也案暗字從開元占經補繇暗視

明明無所屈是以望之若火方於中天天地同明繇明瞻暗暗

還自奪故望之若水案若火若水開元占經作若大若小火當夜而揚光在晝則

不明也月之於夜與日同而差微星則不然強弱之差也五星

五行之精

案六字从史記天官書正義補

衆星列布其以神著有五列焉是有

三十五名

案各開元占經作星

一居中央謂之北斗動變定占

案定本作挺从開元

占經

改 實司王命四布於方各七

案二字从史記天官書正義補

爲二十八宿日

月運行歷示吉凶五緯經次用告禍福

案開元占經經次作更次

則天心於

是見矣中外之官常明者百有二十四

案開元占經太平御覽七俱無四字

可名

者三百二十爲星二千五百而海人之占未存焉微星之數蓋

萬一千五百二十庶物蠢蠢

案太平御覽庶物作庶類開元占經作庶物蠢動

咸得擊

命不然何以惣而理諸夫三光同形有似珠玉神守精存麗其

質而宣其明

案質本作職从開元占經改

及其衰神歇精斂於是乎有隕星

之所墜至地則石矣凡文耀麗乎天

案凡字从北堂書鈔一百四十九補

其動者

七日月五星是也周旋右迴天道者貴順也

案開元占經一本作左旋右迴

天則遲遠天則逆行則屈屈則留留回則逆逆則遲迫於天

也案開元占經六十四引韓公寶靈憲性五星之行近日則遲遠日則速當東反西則逆行遲者覲於東

覲於東者屬陽行速者覲於西覲於西者屬陰日與月共配合

也攝提熒惑

案開元占經一本下有填星二字

地候見晨附於日也太白辰星

見昏附於月也二陰三陽參天兩地故男女取則焉方星巡鎮

案開元占經一本

本作萬里迴鎮

必因常度苟或盈縮不逾於次故有列司作使

曰老子四星周伯王蓬芮各一

案開元占經一本滿上有祭字

錯乎五緯之間

其見無期其行無度竇妖經星之所審而察之

案四字从闕元占經補然

後吉凶宜周其詳可盡

後漢天文志補注開元占經一

張衡渾天儀一卷

經典集林卷二十七

臨海 洪頤煊 撰集

承德 孫彤 校訂

渾天如雞子天體圓如彈丸地如雞中黃

案太平御覽引作天如雞子地爲中黃

孤居於內天大而地小天表裏有水天之包地猶殼之裏黃天

地各乘氣而立載水而浮周天三百六十五度四分度之一又

中分之則一百八十二度八分之五覆地上一百八十二度八

分之五繞地下

案太平御覽引作日月星辰繞地下

故二十八宿半見半隱其兩

端謂之南北極北極乃天之中也在正北出地上三十六度然

則北極上規經七十二度常見不隱南極天之中也在正南人

地三十六度南極下規七十二度常伏不見兩極相去一百八

十二度半強天轉如車轂之運也周旋無端其形渾渾故曰渾

天也

北堂書鈔一百四十九開元占經一太平御覽二事類賦注一案開元占經作渾儀注

赤道橫帶天之腹去南北二極各九十一度十九分度之五

後案

漢志注引作十分之五

橫帶者東西圍天之中腰也然則北極小規去赤

道五十五度半南極小規亦去赤道出地入地之數是故各九

十一度半強也

後漢律歷志補注開元占經一太平御覽二事類賦注一案開元占經引橫帶者以下俱作

文注

黃道斜帶其腹出赤道表裏各二十四度日之所行也日與五

行黃道无虧盈日月行九道春行東方青道二夏行南方赤道

二秋行西方白道二冬行北方黑道二四季還行黃道故月行

有虧盈東西隨八節也日最短經黃道南在赤道外二十四度

是其表也日最長經黃道北在赤道內二十四度

後漢律歷

志補注開元占經一太平御覽二事類賦注

一案曰與五行以下開元占經作注文

故夏至去極六十七度而強冬至去極百一十五度亦強也日
行南至斗二十一度則去極一百一十五度少強是故日最短
夜最長景極長日出辰入申晝行地上一百四十六度強夜行
地下二百一十九度少強夏至日在井二十五度去極六十七
度少強是故日最長夜最短景極短日出寅日入戌晝行地上
二百一十九度少強夜行地下一百四十六度強

後漢律曆志
補注開元占

經一太平御覽二亭類賦注一
日行南至以下開元占經作注文

案

然則黃道斜截赤道者卽春秋分之去極也

案後漢志注卽春
秋分引作則春分

秋分斜截赤道者東西交也然則春分日在奎十四度少強西交

於奎也秋分日在角五度弱東交於角也此黃赤道二之交中

去極俱九十一度少強故景居二至長短之中奎十四角五出

卯入酉日晝行地上夜行地下俱一百八十二度半強故晝夜

同也

後漢歷律志補注開元占經一太平御覽二案斜截赤道者以下開元占經作注文

今此春分去極九十一度少強秋分去極九十一度少強者就

下歷晷景之法

案後漢志注太平御覽二事類賦注一引作就夏歷晷景去極之法

以爲率也上

頭橫行第一行者黃道進退之數也本當以銅儀日月度之則

可知也以儀一歲乃竟

案北堂書鈔一百五十引常以銅儀而度之則日晷可知也以儀一歲乃竟而

中間又有陰雨難率成也是以作小渾蓋赤道黃道乃調賦三

百六十五度四分之一從冬至所在始起令之相當直也取北

極及衝

案後漢志注作衝

各鍼穿之爲軸取薄竹篴穿其兩端令兩穿

中間與渾半等以貫之令察之與渾相切摩也乃從鍼半起以

爲百八十二度八分之五盡衝鍼之半焉又中分其鍼

案後漢志注無

此字凡鍼字俱作或

篴初出其半之際正直與二度鍼半相直也令篴半

之際從冬至起一度一移之

案後漢志注一移作鞠核

視篴半之際少多赤

道幾何也

案後漢志注赤上有黃字

其所多少則進退之數也從北極數之

度也各分赤道黃道爲二十四氣一氣相去十五度十六分之

七每一氣者黃道進退一度焉所以然者黃道直時去南北極

近其處地小而橫行與赤道且等故以篋度之於赤道多也設

一氣令十六日者皆成率四日差少半也令一氣十五日不能

半耳故使中道三日之中差少半三氣一節故四十六日而差

令三度也至於差三之時而五日同率者一

案開元占徑引作而五日周率差

其實一節之間不能四十六日也令殘日居其策

案策字開元占徑作中央

故五日同率也其率雖同先之皆強後之皆弱不可勝計取至

於三而復有進退者黃道稍斜於橫行不得度故也春分秋分

所以退者黃道始起更斜矣於橫行不得度故也亦每一氣一

度焉故三氣一節亦差三度也至三氣之後稍遠而直故橫行

得度而稍進也立春立秋橫行稍退矣而度猶云進者以其所
退減其所進猶有盈餘未盡故也立夏立冬橫行稍進而度猶
之退者以其所進增其所退猶有不足未畢故也以此論之日
行非有進退也而以赤道量度黃道使之然也本二十八宿相
去度數以赤道爲距耳故黃道亦有進退也冬至在斗二十一
度少半最遠時也而此厯斗二十度二十一俱一百一十五度
強矣冬至宜與之同率焉夏至在井二十一度半強最近時也
而此厯井二十三度一十四俱六十七度強矣夏至宜與之同

率焉

後漢律厯志補注開元占經一
案開元占經引作渾儀圖注

天市二十二星帝座有一耳

開元占經
六十五

以銅爲器再疊差置實以清水下各開孔以玉虬吐漏水入兩

壺右爲夜左爲晝

初學記二十五
條引俱作漏水轉

案以下二
渾天儀制

蓋上又鑄金銅仙人居左壺爲胥徒居右壺皆以左手抱箭右
手指刻以別天時早晚

初學記二十五文選
陸佐公新刻漏銘注

經典集林卷二十七

師曠占一卷

經典集林卷二十八

臨海 洪頤煊 撰集

承德 孫彤 校訂

春夏一日有霜雪者君父治政大嚴大殺天以示之何以言之
霜威殺萬草坐大殺也見變如此宜損威殺重人之命也開元占經

一百一太平御覽二十一
十二又八百七十八

春雷初起其音栝栝格格霹靂者所謂雄雷旱氣也其鳴依依
音音不大霹靂者謂之雌雷水氣也開元占經一百一
太平御覽十三

春分有音如雷非雷音在地中案開元占經作春不
雨有雷音在地中其所住者

兵起其上無雲而雷名曰天狗行不出三年其國亡開元占經
一百二法苑珠林七太

平御覽十三

初雷從金門起上旬旱下旬熱一曰歲中兵革起初學記一太
平御覽十三

候月知雨少多入月一日二日三日月色赤黃者其月少雨月
色青者其月多雨常以五卯日候西北有雲如羣羊者卽有雨
矣冬戊巳春辰巳日雨蝗蟲食禾稼立春日雨傷五木立秋日
雨害五穀常以戊巳日日入時出時欲雨日上有冠雲大者卽
雨小者少雨

太平御覽十
事類賦注三

正月七日風從西北來起荆地弱來人民變訟六畜貴穀亦貴
過度歲不善

爾元占經
一百十一

常以十月朔日占春糴貴賤風從東來春賤逆此者貴以四月
朔日占秋糴風從南來西來者秋皆賤逆此者貴以正月朔占
夏糴風從南來東來者皆賤逆此者貴

齊民要
術三

正月甲戌日大風東來折樹者穀熟甲寅日大風西北來者貴

庚寅日風從西來者皆貴二月甲戌日風從南來者稻熟乙卯日不雨晴稻上場不熟四月四日雨稻熟日月珥天下喜十五日十六日雨晚稻善日月蝕

齊民要術三

粟米常以九月爲本若貴賤不時以最賤所之月爲本粟以秋得本貴在來夏以冬得本貴在來秋此收穀遠近之期也早晚以其時差之粟米春夏貴去年秋冬什七到夏復貴秋冬什九者是陽道之極也急糶之勿留留則大賤也

齊民要術三

常以正月一日迄十二日以占十二月以日易月每歲黃氣其歲爲差歲從西來西南來皆爲穀貴從東卽穀賤

開元占經一百十一

黃帝問師曠曰吾欲知歲苦樂善惡可知否師曠對曰歲欲豐甘草先生甘草者薺也歲欲饑苦草先生苦草者葶藶也歲欲惡惡草先生惡草者水藻也歲欲旱草先生旱草者蒺藜也

歲欲潦潦草先生

案齊民要術潦作荒

潦草者蓬也歲欲病病草先生病

草者艾也

齊民要術三北堂書鈔一百五十六藝文類聚八十一太平御覽十七又三十五又八百七十九又九百

九十七

案齊民要術引有歲欲雨兩草先生稿一可

黃帝問師曠曰杏多實不蟲者來年秋禾善五木者五穀之先

欲知五穀但視五木擇其木盛者來年益種之萬不失一也

齊民

要術一藝文類聚八十五太平御覽八百三十七事類賦注二十六

梅桃杏實多者來年謂之穰

藝文類聚八十七

黃帝問師曠曰欲知牛馬貴賤秋葵下有小葵生牛馬犬貴葵

不蟲牛馬賤

齊民要術三藝文類聚八十二太平御覽九百七十九

長吏乘車出行行步道上有雞飛集車上者雄遷雌去

太平御覽九百

八十一

師曠問天老曰人家忌臘日殺生堂上有血光一不祥也井上

種桃花落井中二不祥也
初學記七太平御覽一百八十九
案說文鳥部引師曠曰南方有鳥名
曰羌鷓黃頭赤目五色皆
備不云占書今附於此

經典集林卷二十八

范子計然一卷

經典集林卷二十九

臨海 洪頤煊 撰集

承德 孫彤 校訂

范子問何用九宮計然曰陰陽之道非獨於一物也

意林一

掩目別黑白雖時時一中猶不知天道也論陰陽有時誤中耳

意林一 太平御覽三百六十六

天者陽也規也地者陰也矩也

文選東京賦注

天者變化行精氣者也令者謂暴風雨霹靂也

開元占經一百二

周髀云冬至三光微夏至三光盛

太平御覽二十三

日者寸也月者尺也尺者紀度而成數也寸者制萬物陰陽之

短長也

廣韻十月注 太平御覽三

日者太陽之精

北堂書鈔一百四十九

日者火精也火者外景主晝居晝而爲明處照而有光

初學記一太平

三御覽

日者行天日一度終而復始如環之無端

北堂書鈔一百四十九太平御覽三事類

賦注

月者水之精也水者內景月主夜居夜爲明夜者紀也紀者內

也紀度而成數

北堂書鈔一百五十四兩引開元占經十一太平御覽四

月行疾二十九日三十日間一與日合取日之度以爲月節

太平

四御覽

風爲天氣雨爲地氣風順時而行雨應風而下命曰天氣下地

氣上陰陽交通萬物成矣

太平御覽十

立夏九十一日立秋涼風行萬物始實白露降畢極寒成也

北堂

書鈔一百五十二

德取象於春夏刑取象於秋冬

初學記三白帖三
太平御覽二十三

聖人之變如水隨形形平則平形險則險

意林一太平
御覽四百一

直木先伐甘井先竭

太平御覽一
百八十九

度如環無有端周迴如循環未始有極

文選張華
勵志詩注

范子曰堯舜禹湯皆有預見之明雖有凶年而民不窮王曰善

以丹書帛置之枕中以爲國寶

齊民要術三太
平御覽七百七

五穀者萬民之命國之重寶也是故無道之君及無道之民

齊民要
術三初

平御覽引
民作臣

皆不能積其盛有餘之時以待其衰不足也

齊民要
術三初

學記二十七藝文類聚八十五文選東京賦注
永明二年策秀才文注太平御覽八百三十七

東方多黍南方多稷西方多麻

齊初學記引作東
方多稻西方多麥

北方多菽中

央多禾五土之所宜也各有高下

齊太平御覽三十六引夫
地有五土之宜各有高下

而陽者多豆下而陰者多五穀

初學記二十七太平
御覽八百三十八

范子曰請問九田隨世盛衰有水旱貴賤願聞其情計然曰諸田各有名其從一官起始以終九官所以設諸田差高下始進退也假令一值錢百金一值錢九百此畧可知從畝一至百畝直是大之極也

太平御覽八百二十一

古者庶人老耄而後衣絲其餘則麻枲而已故曰布衣今富者綺繡羅紈素縹冰錦也繡細文而出齊上價匹二萬中萬下五

千也

初學記二十七太平御覽八百十五

錦大文出陳留

太平御覽八百十五

縹出河東

太平御覽八百十六

白素出三輔匹八百

太平御覽八百十四

白紈素出齊魯

文選雪賦注太平御覽八百十九

羅出齊郡

藝文類聚八十五

六尺蘭席出河東上價七十蒲席出三輔上價百太平御覽七百九

黑鉛之錯化成黃丹丹再化之成水粉太平御覽八百十二

玉英出藍田文選西都賦注西京賦注張景陽七命注太平御覽八百五

空青出巴郡白青又出巴郡白青曾青出弘農豫章白青出新

淦青色者佳藝文類聚八十一太平御覽九百八十八

石鍾乳出武都黃白者善太平御覽九百八十七

石流出漢中太平御覽九百八十七

石膽出隴西羌道太平御覽九百八十七

凝水石出河東色澤者善太平御覽九百八十七

礬石出漢中色白者善太平御覽九百八十七

禹餘糧出河東太平御覽九百八十八

赤石脂出河東色赤者善太平御覽九百八十七

消石出隴道

太平御覽九百八十八

滑石白滑者善

太平御覽九百八十八

礬石出武都

太平御覽九百八十八

石赭出齊郡赤色者善蜀赭出蜀郡

太平御覽九百八十八

青堊出三輔

太平御覽九百八十八

墨出三輔上價百六十中三十下十

北堂書鈔一百四太平御覽六百五

蕪莢在地赤心者善

藝文類聚八十八太平御覽九百五十六

皂莢出三輔上價一枚一錢

太平御覽九百六十

大蘭出漢中蘭輔出河東弘農白者善

太平御覽九百八十三

杜若出南郡漢中大者善

藝文類聚八十一太平御覽九百八十三

芷出齊郡以春取黃澤者善也

太平御覽九百八十三

當歸出隴西無枯者善

太平御覽九百八十七

細辛出華陰色白者善太平御覽九百八十七

續斷出三輔太平御覽九百八十七

儲余出三輔白色者善太平御覽九百八十七

附子出武都中白色者善太平御覽九百九十九

烏頭出三輔中白色者善太平御覽九百九十九

提母出三輔黃白者善太平御覽九百九十九

藜蘆出河東黃者善太平御覽九百九十九

芎藭出洛無枯者善太平御覽九百九十九

芍藥出三輔太平御覽九百九十九

野丈人出洛陽太平御覽九百九十九

人參出上黨狀類人者善太平御覽九百九十九

立參出三輔青色者善太平御覽九百九十九

白沙參出洛陽白者善

太平御覽九百九十一

紫參出三輔赤青色者善

太平御覽九百九十一

茱萸出三輔

太平御覽九百九十一

山茱萸出三輔

太平御覽九百九十一

黃連出蜀都黃肥堅者善

太平御覽九百九十一

防己出漢中洵陽

太平御覽九百九十一

閭茹出武都黃色者善

太平御覽九百九十一

芫華出三輔

太平御覽九百九十二

黃芩出三輔色黃者善

太平御覽九百九十二

防風出三輔白者善

太平御覽九百九十二

石斛出陸安

太平御覽九百九十二

半夏出三輔色白者善

太平御覽九百九十二

射干根出安定

太平御覽九百九十二

通草出三輔

太平御覽九百九十二

牡丹出漢中河內赤色者亦善

太平御覽九百九十二

紫威出三輔

太平御覽九百九十二

敗醬出三輔

太平御覽九百九十二

石龍芮出三輔

太平御覽九百九十二

雲實出三輔

太平御覽九百九十二

桔梗出河東洛陽

太平御覽九百九十三

巴豆出巴郡

太平御覽九百九十三

莽草出三輔青色者善

太平御覽九百九十三

狼牙出三輔色白者善

太平御覽九百九十三

麻黃出漢中三輔

太平御覽九百九十三

龍芮出三輔色黃者毒

太平御覽九百九十三

黃環出魏郡黃色者善

太平御覽九百九十三

石芸出三輔

太平御覽九百九十三

甘遂出三輔

太平御覽九百九十三

馬刀出河東

太平御覽九百九十三

霸薰出霸陵也

太平御覽九百九十四

楚薰出洛陽也

太平御覽九百九十四

楚薰出楚國也

太平御覽九百九十四

蔕根出北地赤色者善也

太平御覽九百九十六

水萍出三輔色青者善

初學記二十七太平御覽一千

秦蘅出隴西天水

文選風賦注

松脂出隴西如膠者善

太平御覽九百五十三

栢脂出三輔上價升七十中三十下十

太平御覽九百五十四事類賦注二十五

桑葉出三輔

太平御覽九百五十五

栗出三輔

太平御覽九百六十四事類賦注二十七

楨棗出漢中郡

太平御覽九百七十三

卷栢出三輔

太平御覽九百八十七

厚朴出弘農

太平御覽九百八十七

蜀漆出蜀郡

太平御覽九百九十二

蜀椒出武都赤色者善秦椒出天水隴西者善

齊民要術四藝文類聚八十九

狐出塞外

太平御覽九百九

兔毫出玄菟樂浪

太平御覽九百七

千里馬必有距虛

文選枚乘七發注

虎魚出東海

太平御覽九百三十八

蠟消出三輔上價三百

太平御覽九百四十六

白蜜出隴西天水上價直四百中百五十下七十

北堂書鈔一百四十九太

平御覽八
百五十七

醬出東海上價二百中百下三十也

北堂書鈔一百四十六

餅出三輔

太平御覽八百六十

計然者蔡丘濮上人姓辛名文子其先晉國公子也爲人有內

無外形狀似不及人少而明學陰陽見微而知著

案文選阮元瑜爲曹公作

書與孫權注引見徵知著四字

其行浩浩其志汎汎不肯自顯諸侯陰所利者

七國天下莫知故稱曰計然遨遊海澤號曰漁父范蠡請見越

王

案史記集解文選注太平御覽引作嘗南遊越范蠡師事之

計然曰越王爲人鳥喙不可

同利也

史記貨殖列傳集解意林一文選曹子建求通親親表注太平御覽四百四案史記集解文選注太平御覽

引此並作范子曰其書必有校錄一篇附於末

計然者蔡丘濮上人晉之公子姓辛氏字文子博學無所不通
范蠡知其賢人卑身事之請受道藏於石室乃刑白鵠而盟焉

太平御覽九
百二十四

經典集林卷二十九

夢書一卷

經典集林卷三十

臨海 洪頤煊 撰集

承德 孫 彤 校訂

夢者像也精氣動也魂魄離身神來往也陰陽感成吉凶驗也
夢者語其人預見過失如其賢者知之自改革也夢者告也告
其形也目無所見耳無所聞鼻不喘嗅口不言也魂出遊身獨
在心所思念忘身也受天神戒遣告人也受戒不精忘神神言
也名之爲寤告符臻也古有夢官世相傳也

太平御覽三百九十七

昔聖帝明王之時神氣炤然先見故堯夢乘龍上太山舜夢擊
天鼓禹夢其手長湯夢布令天下後皆有天下桀夢疾風壞其

宮

柴白帖作黑風破其宮

紂夢大雷擊其首齊桓夢爲大禽所中秦二世

夢虎齧其馬王者夢之皆失天下

白帖二十三太平御覽八十八又三百九十七

月者太阴之精也夢見月者旦見公卿也又云君見妃后行長

月案有脫誤夫人慶之北堂書鈔一百五十一

夢電光爇縣官也北堂書鈔一百五十二

夢見新歲命延長北堂書鈔一百五十五

地為陰者下冥冥也夢見地者身安寧北堂書鈔一百五十六

城為人君一縣尊也夢見城者見人君也夢新築城有功名太平御覽一百九十二

御覽一百九十二

亭為積功民所成也夢築亭者功積成也夢亭敗壞恩澤傷也

太平御覽一百九十四

夢吹嘯者欲有求藝文類聚十九

夢見瓦而為甲鎧禦禍忠太平御覽一百八十八

夢簾屏風蔽匿一身也太平御覽七百

夢見帷帳憂陰事

太平御覽七百

夢床所壞者爲憂妻也

太平御覽七百六

夢見竈者憂求婦嫁女何以言之井竈女執使之象

藝文類聚八十

竈主食夢者得食

太平御覽一百八十六

簪爲身簪者已之尊也夢着好簪身之歡喜也

北堂書鈔一百二十七太平御覽六百

八十八

珠珥爲人子之所貴夢得珠珥得子也

太平御覽七百一十八

婦人夢粉爲懷妊

太平御覽七百一十九

夢梳枇爲憂解也其髮滑澤心也蟣蝨盡去百病愈也

太平御覽七百

一十四又九百五十一

士孺爲丈夫婦人夢之得賢夫也

太平御覽六百九十五

錦繡爲憂事有文章夢得繡憂縣官也

太平御覽八百一十五

履襪爲子屬體永也若夢得履襪者必有子息也履者爲男襪

者爲女也

太平御覽六
百九十七

篋屐爲使卑賤類也夢得篋屐得僮使也

太平御覽六
百九十八

夢得鉤帶憂約束也鉤帶着身約勅已也持鉤帶脫事決已也

太平御覽三
百五十四

印鈎爲人子所祿也夢見印鈎人得子含吞印鈎懷孕婦也鈎

從腹出爲其乳失印子傷墮而懷之妻有子以口含之子爲宅

中

初學記二十六
御覽六百八十三

券契爲有信夢得券者有信士也

太平御覽五
百九十八

牘札爲薦舉夢得牘札欲薦舉也

太平御覽
六百六

丈尺爲人正長短夢得丈尺欲正人也

太平御覽
八百三十

銓衡爲人正也夢得衡爲平端也以銓稱量平財錢也重者價

貴輕者賤也銓衡折敗無平人也

太平御覽
八百三十一

刀爲利斷截也夢得刀者爲利也

北堂書鈔一
百二十三

矛戟爲相待其早晚也夢得矛戟者憂相勅也持矛待友友見

人持矛待於己也持矛來倒却中止也

太平御覽三
百五十三

夢得鑲楯憂相負也

太平御覽三
百五十七

斤斧爲選士取有材夢得斤斧選士來

太平御覽六百七十
四又七百六十四

彈爲朋友夢持彈者必得朋友也

北堂書鈔一百二十四
太平御覽三百五十

夢橫激欲薦舉

太平御覽八
百三十二

鞿繯爲相要制也夢得鞿繯要約士也鞿結語言繯往來也鞿

結繯堅結勅繯也弊絕不用難俛仰也

太平御覽三
百五十九

鞭箠爲所使者勅趨也夢得鞭箠欲有使也持以鞭馬使朋友

也鞭使馬疾服諾喜也

初學記二太平御
覽三百六十九

輪軸爲夫婦夢得輪軸夫婦之事也

北堂書鈔一百四十一

賈人夢車轅折敗者憂遺衣物何以言之轅字去衣故知亡衣

物

太平御覽七百七十五

夢圍碁者欲鬪也

太平御覽七百五十三

簧爲結約夢得賢者爲賢友也

北堂書鈔一百一十

夢得香物歸女婦也

太平御覽九百八十一

夢見饑欲娶妻夢見饑帶媒妁來

太平御覽七百五十七

夢見新筆婦女憙

太平御覽七百七十五

夢見得新銚當取好婦也

太平御覽七百五十七

夢見杯案賓客到也多客大案少客小案也

北堂書鈔一百三十三太平御覽七百

十百

酒爲送往迎來相候也

北堂書鈔一百四十八

五穀爲財飲食物夢見穀得則吉五穀入家家當盛

太平御覽八百三十七

七

禾稼爲財用之所出夢見禾稼言財氣生

藝文類聚八十九太平御覽八百三十九

松爲人君夢見松者見人君之徵也

藝文類聚八十八太平御覽九百五十三

榆爲人君德至仁也夢採榆葉受賜恩也夢居樹上得貴官也

夢得葉滋茂福祿存也

藝文類聚八十八太平御覽九百五十八

桃爲守禦辟不祥夢桃者守禦官

太平御覽九百六十九

李爲獄官夢見李者憂獄官

太平御覽九百七十八

楊爲使者

藝文類聚八十九

鷓鴣爲鬪相見怒也夢見鷓鴣憂鬪也

太平御覽四百九十六又九百二十四

鷓鴣一爲亡人居宅也夢見鷓鴣憂人也其在堂上者憂賢也

白帖九十四

案

引作周宣夢書

夢見鳩鵲憂不雙也婦見之此獨居也婿見之恐失妻也雌俱

行淫佚游也

太平御覽九百二十五

鷹鷂爲攻剽殘心也夢見鷹鷂憂賊人也

太平御覽九百二十六

鷄爲武吏有冠距也夢見雄鷄憂武吏也衆鷄入門吏所拘也

羣鬪舍中驚兵怖也

太平御覽九百一十八事類賦注十八

伯勞爲憂口話聲可惡也夢見伯勞憂口話也

太平御覽九百二十二

守宮爲寡婦着垣墻也夢見守宮憂寡婦人也

太平御覽九百四十六

蛻蝮爲憂財轉失夢見蛻蝮憂財糧也

太平御覽九百四十六

蝗蝻爲亡人蔽匿草也夢見蝗蝻憂亡命者

太平御覽九百四十六

夢蜘蛛者其日逐有喜事

太平御覽九百四十八

龍龜爲大腹其性然也夢見龍龜憂懷任婦人也

太平御覽九百四十八

蟣蝨爲憂醫人身也夢見蟣蝨而有憂至也

太平御覽九百五十一

蛾爲夫婦眉偃也夢見蛾憂婚也

太平御覽九百五十一

經典集林卷三十

白澤圖一卷

經典集林卷三十一

臨海 洪頤煊 撰集

承德 孫 彤 校訂

築室三年不居其中有滿財

案太平御覽作小兒

長三尺而無髮見人則

掩鼻見之有福

法苑珠林五十八太平御覽八百八十六

築室三年不居其精名忽長七尺見者有福

法苑珠林五十八

故室之精名候龍

案法苑珠林作曰孫

如小兒長一尺四寸衣黑衣赤犢

大冠帶劍持戟以其名呼之即去

法苑珠林五十八太平御覽八百八十六

故門之精名曰野狀如朱儒見人則拜以其名呼之宜飲食

法苑

珠林五十八太平御覽八百八十六

故宅

案法苑珠林作澤

之精名曰揮文又曰山冕其狀如蛇一身兩頭

五采文以其名呼之可使取金銀

法苑珠林五十八太平御覽八百八十六

故臺屋之精名曰兩貴狀如赤狗以其名呼之使人目明

法苑珠林

五十八太平御覽八百八十六

夜見堂下有小兒被髮走勿惡之名曰溝以其名呼之卽無咎

法苑珠林五十八太平御覽八百八十六

故溷之精名曰卑狀如美女而持鏡呼之使人知媿則去也

法苑珠林

法苑珠林五十八太平御覽八百八十六

廁之精名曰荷衣青衣持白杖知其名呼之者除不知其名則

死

法苑珠林五十八太平御覽八百八十六

故井故澗之精名曰觀狀如美女好吹簫以其名呼之卽去

法苑珠林

法苑珠林五十八太平御覽八百八十六

井神曰吹簫女子

太平御覽一百八十九

故池

案法苑珠林作曰

之精名曰意狀如豚以其名呼之卽去之

法苑珠林

五十八太平御覽八百八十六

故牧弊池之精名曰髡頭狀如牛無頭見人則逐人以其名呼

之則去

法苑珠林五十八太平御覽八百八十六

故車之精名曰寧野狀如輻車見之傷人目以其名呼之不能

傷人目

法苑珠林五十八

故市之精名曰毛門其狀如困而無手足以其名呼之即去

法苑

珠林五十八太平御覽八百八十六

故廢丘墓之精名曰无狀如老役夫衣青衣而提杵好舂以其

名呼之使人宜禾穀

法苑珠林五十八太平御覽八百八十六

丘墓之精名曰狼鬼善與人鬪不休爲桃棘矢羽司以射之狼

鬼化爲飄風脫履投之不能化也

法苑珠林五十八太平御覽八百八十六

故道徑之精名曰忌狀如野人以其名呼之使人不迷

法苑珠林五十

八太平御覽
八百八十六

在道之精名曰作器狀如丈夫善眩人以其名呼之則去

法苑珠林

五十八太平御覽八百八十六
案法苑珠林引在故車之精條後

上有山林下有川泉地理之間生精名曰必方狀如鳥長尾此

陰陽變化之所生

法苑珠林五十八太平御覽八百八十六

左右有山石水生其間水出流千歲不絕其精名曰喜狀如小

兒黑色以名呼之可使取飲食

法苑珠林五十八太平御覽八百八十六

兩山之間其精如小兒見人則伸手欲引名曰俟引去故地則

死

太平廣記三百五十九

山之精名夔狀如鼓一足而行以其名呼之可使取虎豹

法苑珠林

五十八太平御覽八百八十六

水之精名曰罔象其狀如小兒赤色大耳長爪以索縛之則可

得烹之吉

法苑珠林五十八太平御覽八百八十六

故水之精名慶忌狀如人乘車蓋日馳千里以其名呼之可使

入水取魚

法苑珠林五十八太平御覽八百八十六

木之精名彭侯狀如黑狗無尾可烹而食之

法苑珠林五十八太平御覽八百八

十六太平廣記四百一十五

千載木其中有蟲名曰賈誦狀如豚食之如狗肉味

法苑珠林五十八太平

平御覽八百八十六

火之精名必方狀如鳥一足以其名呼之即去

法苑珠林五十八太平御覽八百八十六

百八十六

火之精曰宋无忌

史記封禪書集解藝文類聚八十

玉之精名曰委然

案法苑珠林作名曰岱

狀如美女衣青衣見之以桃戈

刺之而呼其名則可得也夜行見女子戴燭行者潛從其後所

亡則入石石中有玉藝文類聚八十二又八十三法苑珠林五十八太平御覽八百五又八百八十六

黃金之精名曰噶狀如豚居人家使不宜妻白鼠以昏時見於

丘陵之間視所出入中有金太平御覽八百一十一事類賦注九

絕水有金精名曰侯伯狀如人長五尺綵衣以其名呼之即去

法苑珠林五十八太平御覽八百八十六

三軍所戰精名曰賓滿狀如人頭無身赤目見人則轉以其名

呼之即去法苑珠林五十八太平御覽八百八十六

百歲狼化爲女人名曰知女狀如美女坐道旁告丈夫曰我無

父母兄弟丈夫娶爲妻經年而食之以其名呼之則逃去法苑珠林

五十八太平御覽八百八十六

羊有一角當頂上龍也殺之震死初學記二十九白帖九十六太平御覽九百二

黑狗白頭長耳卷尾龍也初學記二十九太平御覽九百四

雞有四距重翼者龍也殺之震死

初學記三太平御覽九百十八

老雞能呼人姓名殺之則止

太平御覽九百一十八

鬼昔孔子子夏所見故歌之其圖九首

北戶錄上

赤蛾兩頭而白翼者龍也殺之兵死

太平御覽九百五十一

經典集林卷三十一

地鏡圖一卷

經典集林卷三十二

臨海 洪頤煊 撰集

承德 孫 彤 校訂

人行日月中無影者神仙人也與虛合體故居日月中無影履霜無跡火中無影也

太平御覽三百八十八

夫寶物在城郭上墻之中樹木爲之變視柯偏有折枯是其候也視折枯所向寶在其方凡有金寶常變作積虵見此輩便脫隻履若衣以擲之若溺之卽得凡藏寶忘不知處以大銅槃盛水着所疑地行照之見人影者物在下也

法苑珠林三十七太平御覽八百二

財在上墟者爲木變故木有折枯者其旁有財折枯所向在焉其在南方去木八尺其在東方去木六尺

太平御覽九百五十三

欲知寶所在地以大鏡夜照見影若光在鏡中者物在下也

太平

御覽七百

一十七

視屋上瓦獨無霜者其下有寶藏

開元占經一百一法苑珠林三十七太平御覽十四又八

二百

人望百家宅法中有赤氣者家有沃財白氣人家有財不保黑氣有玉其伏在宅中青氣者有銀地寶也

太平御覽一百八十

入名山必先齋五十日牽白犬抱白雞以鹽一勝山神大喜芝草異藥寶玉爲出未到山百步呼曰林林央央此山王名知之

却百邪

藝文類聚七

凡觀金玉寶劍銅鐵皆以辛之日待雨止明日平旦及黃昏夜

半觀之所見光白者玉也赤者金黃者銅黑者鐵

藝文類聚八十三

玉之千歲者

案藝文類聚作古之王者

行遊諸國其所居國必三日浸變爲

日中之霧

藝文類聚二十六太平御覽十五

視山川多露無霜者其下有美玉

開元占經一百
太平御覽十二

玉石之精也其在石中若山中石潤而浸旁有水其居地氣青

而浮其氣白而圓光轉其地中常潤

太平御覽
八百五

望石氣如浮雲其珠玉之精也

太平御覽八
事類賦注二

二月中草木先生下垂者有美玉

太平御覽
八百五

五月中草木葉有專厚而無汁枝下垂其地有玉

太平御覽
二十二

八月中草木獨有葉枝下垂者必有美玉八月後死者亦有玉

太平御覽

二十五

十二月中草木獨有枝葉垂者下有美玉

太平御覽
二十七

相玉見美女載燭夜行壇陰潛從其所出入處尋之石中有美

玉矣

初學記二十五
藝文類聚
八百七十

青玉之見爲女人

藝文類聚九十一
太平
御覽九百一十一

欲觀金氣以庚辛日歲其氣象人

北堂書鈔一百五十一

黃金之氣赤黃千萬斤以上光大如鏡盤金氣發大上下青也

初學記二十七太平

御覽八百一十一

金百斤以上至三百斤清如羊者

藝文類聚九十四

黃金之見爲火及白鼠

藝文類聚八十九又九十五太平御覽九百一十一

金寶化爲青蚘

藝文類聚九十六

山上有韭必有金

法苑珠林三十七

山有磁石下有銅若金

藝文類聚八十三

銀之氣夜正白流散在地撥之隨手散復合此是也

藝文類聚八十三太平

平御覽八百一十二

銀精變白雄雞

藝文類聚八十三太平御覽八百一十一

山有葱下有銀隱隱正白

藝文類聚八十三

銀見爲雄雞

草青莖赤秀下有鉛

太平御覽八
百一十二

銅器之屬見其狀如望馬輝輝然齊器之象爲牛楚氣之象爲馬越器之象爲蝦蟇宋器之象爲白狗秦器之象爲豚燕器之象爲豕

北堂書鈔一百五十一藝文類聚九十三太平御覽七百五十六又八百九十六又九百事類賦注二十一

草莖黃秀下有銅器

太平御覽八
百一十三

銅錢之氣望之如青雲

藝文類聚六十六太平御覽八百三十六事類賦注十

望錢千萬以上如車十萬之精如一索木萬錢精蓋地如龜

太平

御覽八百
三十六

望氣見人家黃氣者葉梔子樹也

藝文類聚八十九太平御覽十五又九百五十九

山有白氣而鬱鬱中有神龍

太平御覽十五

經典集林卷三十一

嘉慶辛未歲臨
洪震煊承德
咏謙孫豫晉同於問經堂